

74. “ Socer tuus, lunæ instar celebris, mihi est amicus ; pater tuus bonos  
 “ liberat a calamitate mundana ; tu primum locum tenes, inter mulieres  
 “ maritis fidas : quid igitur est, cur non tui miserear ?

75. “ Timore abjecto habita in hac sylva sacra, cujus feræ consuetudine  
 “ cum viris piis domitæ sunt. Heic postquam feliciter pepereris, infans  
 “ tuus cærimoniarum solemnium particeps fiet.

76. “ Corpus abluens in *Tamasa* fluvio, peccata destruyente, cujus ripæ  
 “ haud vacuæ sunt a vatū habitationibus, sacrificiis in ejus insularum  
 “ gremio peractis, continget tibi animi tranquillitas.

77. “ Floribus fructibusque, anni tempore productis, atque granis ad  
 “ ritus sacros peragendos, e terra inarata provenientibus, allatis, exhila-  
 “ rabunt te, recenti dolore oppressam, vatū filiæ, dulce loquentes.

78. “ Vasibus aquariis, robori tuo congruis, novellas eremi arbores irri-  
 “ gans, sine dubio tu jam ante filii partum eandem atque ex infante  
 “ mammas sugente percipies voluptatem.”

79. Illa grate accepit favorem *VÁLMÍKIS*, qui animo misericordi vesperi  
 illam secum duxit in eremum suam, ubi dorcades ad aræ latus sedebant,  
 domitis belluis plenum.

80. Tradiditque eam, mœrore oppressam, feminis sanctis, adventu ejus  
 delectatis, veluti novilunii dies ultimam lunæ partem, a patribus exhau-  
 stam, herbis tradit.

81. Hæ post honores oblatos sub diei finem ad habitandum dederunt illi  
 tugurium, lucerna *ingudis* oleo repleta instructum, in quo pellis sacra pro  
 lecto strata erat.

82. Ibi habitans illa, inauguratione lustrata, ab hospitibus rite honorata,  
 cortice induta corpus suum victu sylvatico sustentabat, ut mariti stirpem  
 propagaret.

83. “ Num hodie rex pœnitentia affligitur ?” Ita quærens *INDRAJITIS*  
 occisor, cura agitatus, fratri majori mandatum peractum atque *SÍTÆ* lamen-  
 tationem nuntiavit.

84. *RÁMAS* subito lacrymas effudit, lunæ instar *Pausha* mense nivem